

1. जब शाउल परमेश्वरके आज्ञा उलंघन कर्ल दोसपाछ परमेश्वर इस्रेलके अउर राजा बन्ना किहिन छानल रहल ?
 - दाऊद ।
2. शाउल व दाऊद कसिक छुट्टाछुट्ट रह ?
 - शाउल ऊ परमेश्वरसे अलग हो क पापमा जन्मल बाट कोक विश्वास निकर्ल ।
 - तर दाऊदहन ऊ परमेश्वरथेसे अलग हो क पापमा जन्मल रहल को क थाहा रहलिन् ।
 - शाउल परमेश्वर सक्कु पापहन मृत्युक दण्ड देठ कोक विश्वास निकर्ल ।
 - तर दाऊदहन सक्कु पापके दण्ड मृत्यु हो कोक थाहा रहलिन् ।
 - शाउल परमेश्वर केलहक हुँकहिनि बचाइसेकहीं कहना विश्वास नि कर्ल ।
 - तर दाऊदहन केवल परमेश्वर केलहक हुकहिनि बचाइसेकहीं कहना थाहा रहलिन् ।
 - शाउल उद्धारकर्ता पठइट्ट कोक परमेश्वरकेद्वारा कर्लक प्रतिज्ञामा विश्वास नि कर्ल ।

- तर दाऊदहन परमेश्वर हुकहिन भुट्टवा व मृत्युथेसे बचाइना उद्धारकर्ता पठइही कहना थाहा रहलिन ।
- 3. जब दाऊद दरबार के काम कर्क ओरइल दोसपाछ ऊ का कर चहल ?
 - दाऊद परमेश्वरके निम्ति भवन बनाइ चहल ।
- 4. परमेश्वरके मन्दिर बनाइना के हूइनावाला रह ?
 - दाऊदके छावा सोलोमन ।
- 5. परमेश्वर दाऊदके सँग कर्लक बरभार प्रतिज्ञा का रह ?
 - दाऊदके वंशमासे उद्धारकर्ता पठइना बाटु कोक परमेश्वर प्रतिज्ञा करल रहल ।
- 6. सुलेमान परमेश्वरके निम्ति बनाइलक मन्दिर इस्रेलीहुँक मरुभूमिमा वहाँक निम्ति बनाइलक पालजस्ट कसिक हुइल ?
 - पालके पहिल कोठ्वा पवित्र स्थान कहलिठ ।
 - मन्दिरमा फे पहिल कोठ्वा रह र वाकर नाउँ पवित्र स्थान रह ।
 - पालके द्वासर कोठ्वाक नाउँ महापवित्र स्थान रह ।
 - मन्दिरमा फे द्वासर कोठ्वा रह व वाकर नाउँ महापवित्रस्थान रह ।
 - परमेश्वरके पालमा यी दुइठो कोठ्वाहन भाग लगइना पर्दा बनाइल रह ।

- मन्दिरमा फे यी दुइठो कोठ्वाहन भाग लगइना पर्दा बनाइल रह ।
- 7. काजेकि परमेश्वर पवित्र बाट व सक्कु पापहन घिना कठ प्रधानपुजारीह महापवित्र ठाउँमा जाक का कठ ?
 - करारके सन्दुकमा ऊ जनावरके रगत छिट्थ ।
- 8. करारके सन्दुकमा बहुन्वाहँक्र रगत छिट्कपाछ परमेश्वर का कर्थ ट ?
 - परमेश्वर पापके निम्ति उत्तम मोल तैयार निहुइनाजेलसम् वहाँ देहलक दण्ड रोक धारलबाटु कहल ।
- 9. काजे जनावरके रगत मनइहुँकनके पापके मोल तिर्ना सक्षम नि रह ?
 - काजेकि पापीनके पापके मोल ऊ मुअसेकपाछ केलहक पूरा हुइठा ।
- 10. सुलेमान राजा मुकपाछ इसेलीहुकनलाग का हुइ ?
 - इसेलीहुक्र हुकनक अब्बक नयाँ राजा के हुइ कोक छन्ना असमर्थ हुइल ।
- 11. उत्तरके दश कुलके नाउँ का रह ?
 - इस्रेल ।
- 12. दखिखनके दुइ कुलके नाउँ का रह ?

- यहूदा ।

1. परमेश्वर कारजे मनइहुकनकसँग सद्द बोलती रहल ?

- ताकि हुँक बॉचठ ।
- परमेश्वर वहाँक सन्देश मनइहुकनक ला फे देहलबाट ताकि हुँक फे अउर मनइहुकनकलाग सुनइही व अउरफे बचइही ।
- परमेश्वर वहाँक सन्देश नूहहन देहल व नूह यी सन्देश मनइहुकन सुनाइल ताकि हुँकहिन फे बचइही ।
- परमेश्वर वहाँक सन्देश मोसाहन देहल व मोसा यी सन्देश फारो व अउर मिश्रीहुकन सुनइल ताकी हुँक फे बचाइही ।
- परमेश्वर वहाँक सन्देश यहोशुहन देहल रहल व यहोशु यी सन्देश इस्रेलीहुँकनफे सुनइही ताकि हुँक फे बचइही ।
- एकदिन परमेश्वर योना नाउँ हुइलक एकजना इस्रेलीहन बोलइल रहल ।
- परमेश्वर वहाँक सन्देश योनाहन देहल व योनाहन निनबे नाउँ रहल पानी मनइया बैठना शहरमा वहाँकस सन्देश लैजाइना कोक कहल ।
- निनबे शहरमा बैठना मनइहुँक अस्सुरियन कहलाइठ ।

योना १:१-३क पढी

परमप्रभु अमितैके छावा योनाकेसँग बात कर्ल । परमप्रभु कहल । निनवे एकठो बरभार शहर बा । वहाँक मनइहुँक दुष्ट्याइँकर्म कर्थ कहना विषयमा मै सुनलबाटु । यिहेकारण टु ऊ शहरमा जाऊ अनि वहाँक मनइहुँकनकालग ऊ निमजा काम छोडदेऊ कोक कहो ।

योना परमेश्वरके बात नि मन्ल । यिहेकारण परमप्रभुसे दूर कहुँ भग्ना प्रयास कर्ल । वहमारसे ऊ यापो ओहर गइल । योना एकठो जहाजमा चद्ल जोन तर्शिसओहर जाइत रह । योना अपन यात्राके निमित्त पैसा देहल अनि जहाजके भितर जाक बैठल । योनाके इच्छा रहलिन कि ऊ यी जहाजमा अउरमनइनकेसँग तर्शिश जइना अनि परमप्रभुसे कुहँ दूर भग्ना ।

2. योना काजे निनवे शहरमा जाइही कहना परमेश्वर चाहठ ?

- काजेकि परमेश्वर निनवेक मनइहुँकन माया करठ ।
- काजेकि परमेश्वर पनिनवेक मनइहुँकन बचाइक चहठ ।

3. योना काजे भग्ल ?

- योना भग्ल काजेकि ऊ निनवे शहर जाइक नि चहठ ।

4. योना काजे निनवे शहरमा जाइक नि चहठ ?
- काजेकि निनवेक मनइहुँक्र धेर पापी रहल ।
 - काजेकि निनवेक मनइहुँक्र इस्रेलीहुकनक दुश्मन रहल ।
 - काजेकि योना परमेश्वर निनवेक मनइहुकन बचाइक नि चहठ ।
5. का योना परमेश्वरसे भाग सेकही त ?

योना १:३ख-१० पढी

योना एकठो जहाजमा चढल जोन तर्शिशओहर जाइट रह । योना अपन यात्राके निमित्त पैसा देहल अनि जहाजके भितर जाक बैठल । योनाके इच्छा रहलिन कि ऊ इ जहजामा अउर मनइहुकनसे तर्शिश जइना अनि परमप्रभसे कहूँ दूर भग्ना ।

तर परमप्रभु समुद्रमा भयानक तुफान उठादेहल । समुद्रमा बरभार आँधी उठ्क जहाजहन नाश कर्लजस्ट हुइल । मनइहुइक्र चाहठ कि ऊ जहाजहन बचइनक निमित्त यिहिन हल्का बनाइ । दोस जहाजसक्कु समान उठाक समुद्रमा फकाइलगल । माझी हुँक्र धेर डराइल रहल । प्रत्यके मनइहुक्र अपन अपन देवताहुकन पर्थना करल लगल । योना जहाजके भितर भागमा जाक सुत्तरहल । दोस जहाजके कप्तानहुँक्र हुँकारथे आक कहल । ए सुत्वा तु का

कर्तु ? उठक तोहार परमेश्वरहन पुकार सायद परमेश्वर तोहार पर्थना सुन्ठ कि वहम्र नष्ट हुइनासे बचइबी । अनि हुँकर आपसमा कहलगल । क्याकर कारणले यी आपत हम्रनके उपर आइपर लागल यी चिठ्ठा धार्क हेरी । असिक कहल हुँकर चिठ्ठा धारक हेरी । चिठ्ठा योनाक नाउमा परल । मनइहुँकर योनाहन कहल । तोहार कारणले कर्क अट्टा बरभार आपत हमार उपर आइल । यहि कारण हम्र का करी । तोहार काम का हो । टु कहासे आइलक हुइटु । तोहार देश कोन हो । अनि तु कोन जातिक हुइटु ?

अनि योना मनइहुँकन कहल । मै हिब्रू हुँ । स्वर्गक परमप्रभु परमेश्वरके आरधना करलबाटु । वहाँ परमेश्वर हुइही जे समुद्र अनि धरतिक सृष्टि करल रहल । योना मनइहुँकनसँग कहल । मनइहुँकर यी बाट थाहा पाइल कि ऊ परमप्रभुसे दूर भागट बाट । तब हुँकर धेर डरइल । अनि मनइहुँकर योनाहन कहल । तु अपन परमेश्वरके विरुद्धमा काजे निमजा काम कर्लु ?

6. का योना परमेश्वरसे भाग सेकल ?
 - निसेकल ।
7. का योना परमेश्वरसे लुक सेकल ?
 - नि सकल ।

8. का योना परमेश्वरसे फुत्कसेक्ल ?

- नि सेक्ल ।
- केहोफे परमेश्वरसे फुत्क नि सेक्ठ ।
- भुट्टवा व वाकर सहयोगीहुँक्र समेत परमेश्वर से फुत्क नि सेक्ठ ।

योना १:११-१७ पढी

वहर आँधी तुफान व समुद्रक छाल झन्झन् बढ लागलरह । यिहेकारण योनाहन मनइहुकन कहल । हम्र अपन सुरक्षाक लाग का कर परी ? समुद्रहन शान्त कर्नक निम्ति हम्र तोहारसँग का करपरी ?

योना मनइहन कहल । मै जानटु कि म्वार कारणले नै समुद्रमा तुफान आइलक हो । महिन टुरह समुद्रमा फकादेओ अनि तुफान शान्त होजाइठ ।

तर मनइहुँक्र योनाहन समुद्रमा फका नि चहतरहल । हुँक्र जहाजहन ढिक्वामा अन्ना धेर कोसिस कर्ल तर सफल नि हुइल । आँधी तुफान व समुद्रक छाला अउर बढरत गइल । यिहेकारण मनइहुँक्र परमप्रभुहन पुकार कर्ल । बिन्ती बा हे परमप्रभु बिन्ति बा यी मनइयाक ज्यानके सट्टामा हम्रहिन नष्ट हुइना नि परस् । व हम्र निर्दोषके उपर हत्याक दोष नालगाऊ । काजेक हे परमप्रभु टुहिन जस्ट इच्छा लागल रहल सो करल रहल ।

तब हुँकर योनाहन उठाक समुद्रमा फकादेहल व समुद्र शान्त हो गिल । तब ऊ मनइहुँकर परमप्रभुक एकदमै धेर डर मान लगल व परमप्रभुक निम्ति भाकल कर्ल अनि बलिदानफे चढइल ।

अनि योनाहन निलकला परमप्रभु एकठो बरभार मच्छी खटाइल रहल व तीन रात व तीनदिन योना ऊ मच्छीके पेट भितर रहल ।

9. जब योना परमेश्वर कहलक निमानक निनवे नि गइल तब परमेश्वर का करल रहल ?
 - परमेश्वर योनाहन निलकलाग एकठो बरभार मच्छी पठाइल रहल ।
10. योना बरभार मच्छीक प्याटमा कइदिनसम् पर्ति रहल ?
 - तीन रात व तीन दिनसम् ।
11. का योना मच्छीक प्याटीमा रहल ब्याला अपनहन बचइना सक्षम रहल ?
 - नि रहल ।
12. योना हन मच्छीक प्याटीक भितर के केहलक बचाइसेकठ ?
 - परमेश्वर ।
13. कसिक अउर सक्कु मनइहुँकर योनाजस्ट बाट ?

- योना मच्छीक प्याटभितर परलब्याला अपनहन बचाइल नि स्याकलजस्ट अउर मनइनुहुँक्रफे अपन अपने पाप मृत्यु व भुट्टावा से बचाइ निसेकही ।

14. बरभार मच्छीक प्याटीमा योना का कर्ल ?

योना २:१ पढी

योना मच्छीक प्याटिभितरसे परमप्रभु अपन परमेश्वरहन पर्थना कर्ल ।

- योना अपन परमेश्वरके आज्ञा उलंघन कर्लक बात परमेश्वरके सामु स्वीकार कर्ल ।
- योना अपन परमेश्वरके विरुद्धमा पाप कर्लक बात परमेश्वर सामु स्विकार कर्ल ।
- योना अपनहन बचादेहल कोक परमेश्वरहन पुकार कर्ल ।

योना २:१० पढी

तब परमप्रभु मच्छीहन आज्ञा देहल व ऊ योनाहन आँरितिर उगेलदहेल ।

15. योना परमेश्वरके आज्ञा निमानक वहाँ विरुद्ध पाप करलबाटु कोक स्वीकार कर्ल पाछ परमेश्वर का करल रहल ?

- परमेश्वर बरभार मच्छीक प्याटीमा से योनाहन सुख्खा धरतिमा उगललगाइल रहल ।

16. परमेश्वर योनाहन काजे बचाइल ?

- काजेकि योना परमेश्वरके आज्ञा उलंघन कर्लक बात स्वीकार कर्ल ।
- काजेकि योना अपन परमेश्वरके विरुद्धमा पाप कर्लक बात स्वीकार कर्ल ।

17. परमेश्वर योनाहन बचाइसकेपाछ का वहाँ योनाहन अब ऊ निनवे जाइनि परी कोक कहल ?

- नि कहल ।

योना ३:१-२ पढी

दोसपाछ परमेश्वर योनाहन फेर कहल । टु निनवेक बरभार शहरमा जाऊ अनि मै ज्या बाट टुहिन बटाइलबाटु व वहाँ जाक प्रचार करो ।

- परमेश्वर नि बद्लठ ।
- परमेश्वर कबुफे नि बद्लठ ।
- परमेश्वर आमिन फे योनाक सन्देश निनवेका जनतानहन पुज्याइना कोक चहठ ।
- परमेश्वर आमिन फे निनवेक मनइहुँक बचइही कोक चहठ ।

18. यी पाला चाहिँ का योना परमेश्वरके बात मन्ल व निनवे गइल ?

योना ३:३-५ र १० पढी

दोस योना उठल अनि परमप्रभुक आज्ञा पालना कर्क निनवेमा गइल । निनवे बहुत बरभार शहर रह । ऊ पार कर्ना तीन दिन लागल रहल ।

योना शहरके बीच भागमा गइल अनि मनइहुँकरन प्रचार कर्ना सुरु कर्ल । योना कहल । ४० दिन पाछ निनवे शहर नाश हुइना बा ।

परमेश्वरसे अस्त सन्देश आइल पाछ निनवेक मनइहुँकर परमेश्वरके उपर विश्वास कर्ल । अनि हुँकर उपवास बैठल व हुँकरहिन कर्लक पापके निमित्त सोच लगल । मनइहुँकर दुख व्यक्त कर्नक निमित्त विशेष प्रकारके लुगा लगइल । शहरके सक्कु बड्काछोछका हुँकर अस्त करलगल ।

मनइहुँकर जोन बात करट रहल उ परमेश्वर द्याखट रहल । कसिक हुँकर अपन कुकर्ममासे घुम्क अइल । वहमारसे परमेश्वर अपन इच्छा बदलदेहल । अनु हुँकरहिनके उपर जोन विपत्ति अन्ना स्वाचल रहल सो नि कर्ल । परमेश्वर मनइहन दण्ड नि देहल ।

- यी पालि चाहिँ योना परमेश्वरके आज्ञा मनाक निनवेमा गइल ।

- यी पाली चाहिँ योना परमेश्वरके सन्देश निनवेक बासिन्दाकहाँ लेक गइल ।
 - योना निनवेक मनइहुकन पापके डगर छोर्के परमेश्वरके ओहर घुम्ना अनुरोध कर्ल ।
19. का निनवेक निवासीहुँक्र योना हुँक्रहिन लाग सुनइलक परमेश्वरके सन्देशमा विश्वास कर्ल ?
- कर्ल ।
 - परमेश्वर टुरहिन फे निनवेक मनइहुकनजस्ट हुइबु कोक चहठ ।
 - परमेश्वर टुरहिन फे निनवेक मनइहुकनजस्ट परमेश्वरके सन्देश सुनी कहना चहठ ।
 - परमेश्वर टुरहिन फे निनवेक मनइहुकनकजस्ट परमेश्वरके सन्देशमा विश्वास करही कोक चहठ ।
 - परमेश्वर टुरहिन फे पापके डगर छोर्के परमेश्वरके डगर आऊ कोक चाहठ ।
 - परमेश्वर अउर धेर मनइहुकन वहाँक सन्देशबाहक बन्क मनइहुकन वहाँक सन्देश सुनाइक लाग छानल रहल ।
20. परमेश्वर वहाँक सन्देश अउर मनइहन सुनाइक लाग छनल रहल ऊ सन्देशवाहकके नाउँ के रह ?

- अगमवक्ता ।
- परमेश्वर ऊ अगमवक्ता हुकनमध्ये कुछुहन दश कुल इस्रेलमा पठाइल रहल ।
- परमेश्वर ऊ अगमवक्ताहुकन मध्ये कुछुहन दुइ कुलमा यहुदामा पठाइल रहल ।

21. अगमवक्ता हन मनइहुकन का कहल ?

- पापके डगर त्यागो व परमेश्वरके डगरमा चल कहल ।
- अगमवक्ताहुँक्र मनइहुकन ए फे कहल कि परमेश्वर टुरहिनके बनइलक मूर्ति फ्याँकचहलबाट ।
- ऊ मध्ये परमेश्वरके एकजना अगमवक्ताक नाउँ यशैया रहलिन् ।
- यशैया अगमवक्ता इस्रेलके दश कुलमासे आइलक रहल ।
- यहाँ परमेश्वर अगमवक्ता यशैयामाफत इस्रेलके दश कुल हन का कहल रहल कहना बात लिखल बा ।

यशैया १०:६ पढी

मै ऊ दुष्ट काम कर्ना हुकनक विरुद्ध लठाइ करक लाग अशशुरहन पठाइकला बाटु । मै ऊ मनइनहुकनप्रति क्रोधित बाटु अनि मै अशशुरहन हुकनक विरुद्ध लठाइ कर्ना आज्ञा कर्ल बाटु । अशशुर हुकनहिन पराजित कर्ना बा व हुँक्रहिनके

धनसम्पत्ति छीन क लैजैना बा । अशशुरके निम्ति इस्रेल कुचिलना हिलो रहलक ठाँ हुइना बा ।

22. यदि हुँक्र पापके डगर त्यागक परमेश्वरके ओहर नि फेर्कही कलसे इस्रेलके १० कुलके उपर का हुयना वाला रह ?
- परमेश्वर अस्सुरियनहन इस्रेलके १० कुल जितक लाग पठइना रहल । व इस्रेलीहन हुँक्रिनके दास बनाइवाला रहल ।
 - परमेश्वरके अउर अगमवक्ताके नाँ यर्मिया रहलिन् ।
 - परमेश्वरके अगमवक्ता यर्मिया यहूदाक दुइ कुलमा पठइल ।
 - परमेश्वर यर्मिया अगमवक्तामार्फत यहूदाके दुइकुल हन कहलक बात यिहा लिखलबा ।

यर्मिया २०:५ पढी

शहरके सम्पत्तिहरू याकर नाफा सक्कु बहुमूल्य वस्तु व यहूदाक राजाहुँक्रनके सम्पत्ति हुँक्रहिनके शत्रुहन नै देहबु । दुश्मनहुँक्र यी सक्कु सम्पत्ति बाबेलके राजधानीमा लैजाइकला बाट ।

23. यदि हुँक्र पापके डगर छोर्क परमेश्वरकेओहर नि घुमही कलसे यहूदाके दुइ कुलके उपर का हुइना वाल रहलिन् ।

- परमेश्वर बेबीलोनीहुन इस्रेलके १० कुलकेसँग लडाइ कर्ना पठइनावाला रहल । व इस्रेलीहुकनक लाग हुँक्रहिनके दास बनाइना वाला रहल ।
- परमेश्वर परिवर्तन नि हुइटु ।
- परमेश्वर आमिनफे सक्कु मनइहुँक्र पापके डगर छोर्क परमेश्वरके डगर करही कहना चाहलबाट ।
- जे पापके डगर छोर्क परमेश्वरके ओहर नि फर्कही हुँक्रहिन लाग परमेश्वर हंशक मृत्युक सजाय देहकला बाट ।